

清光緒朝中日交涉史料

卷五九之卷六十
廿六年至廿七年

清光緒朝中日交涉史料卷五九

(四一七) 慶親王奕劻來電

光緒二十六年十月初一日到
電報檔

九月廿七日據壽全望岫函稱十六日戌刻突有洋官二三員帶洋兵三四十名至馬蘭峪經鎮等款待而去十七日未刻又來洋官暨兵三十餘人聲言明日仍來兵千人令將槍礮收藏意在駐兵旋至孝陵瞻仰尙無別情而輔國公光裕竟於十八日因病出缺壽全病勢沈重僅有望岫一人力實不逮等語此事除詢明何國之兵設法商阻惟具奏恐遲應請旨迅由在京貝勒貝子公內派員往接光裕之缺希代奏奕劻謹

(四一八) 直隸提督馬玉崑來電

光緒二十六年十月初一日到
電報檔

前聞洋兵佔踞紫荆關已至廣昌事機緊迫臣親帶炮隊馳赴晉北一路防堵九月十五日會同宋慶錫良電奏在案十六日行至忻州接據前路統領馬金叙報稱洋兵已退回易州誠恐敵情叵測函將一切防務嚴密布置留忻十日先後疊據探報繁峙靈邱一帶均已安靜遂於廿七日折回晉省仍飭馬金叙等督率馬步各營駐守代州雁門等處與山西藩司升允各軍聯絡加意防堵毋稍疏虞理合將臣回省日期呈請代奏馬玉崑叩艱

(四一一九) 大理寺少卿盛宣懷轉李盛鐸來電

光緒二十六年十月初一日到
電報檔

頃晤加藤告以全權電奏加答現未開議恐係從傍探聽當非至言鐸謂近支不加刑各國通例責亦宜分輕重趁議未定請設法維持加答姑商各國但一慨保全總辦不到等語乞轉全權前電并轉榮相鐸迴宣轉

(四一二〇) 山西巡撫錫良來電一

光緒二十六年十月初三日到
電報檔

昨因固關防軍統領張道成基猝故以劉鎮光才將入晉移委接統暫派知府吳匡照料電請代奏在案頃據探報洋兵馬十六名步九十名廿九日到獲鹿尙有大隊在後正定運來軍火廿餘車大礮數尊西犯之迹已明而劉鎮光才甫抵趙州來晉尙需時日防軍無統與司道會商選派湘軍營官張鎮德朝暫統俟劉鎮到防交替又據忻州飛報洋兵已到直隸阜平縣距五台縣屬龍泉關甚近前已派兩旅扼防現又添派一營又據大同鎮府飛報據宣化鎮函稱洋兵廿二日至延慶州一千餘名有往歸化之說楊鴻禮赴枳兒嶺以防北路升允駐靈邱萬本華劉平型關以防紫荆後路又據大同鎮函稱廿六日洋兵大隊直入宣

化搶掠軍火敵人多方牽綴防不勝防晉省兵力已竭迭與宋馬兩提督會商妥籌嚴備竭力抵禦似此萬分緊急夏丁兩軍可否前進接應防門戶似勝於防堂奧伏乞訓示再正在議和洋兵紛進不止阻之則必開衅讓之則竟長驅關繫均極重大仍遵前旨飭吳匡俟其來時先行理喻倘彼先放槍礮不能束手以待貽誤大局總之茲自彼開我實出於無奈應

請電諭慶王李鴻章婉向各國開導速將洋兵撤回共維和局中外同幸伏乞電復錫良東請代奏

(四二二)山西巡撫錫良來電二
光緒二十六年十月初三日到

頃接大同鎮楊鴻禮函稱洋人大隊並有許多教民於二十六日四點鐘直入宣化該處官員出迎入城後四門緊閉出入監查該鎮已親帶練軍兩旅前往天鎮枳兒嶺一帶防堵並請派隊接應等情前來臣等會商洋兵既入宣化逼近晉疆已越居庸關之西因將防守居庸之馬心勝各營調赴大同會合該鎮練軍厚集兵力相機因應謹合詞電奏臣宋慶馬玉崑錫良謹奏乞代奏東

(四一二二) 直隸提督馬玉崑來電

光緒二十六年十月初三日到
電報檔

武衛前軍左路范天貴步隊五營前經延雍函商留於保定昨有該軍勇丁逃回云稱該范統領帶隊勒辦拳匪遇洋兵向收槍械不服互相開槍范天貴陣亡洋人頭目亦斃該軍弁勇皆向河間暫依呂本元而呂提督未肯收錄等語該軍所領皆係曼利夏快槍並格魯森快砲四尊既未被洋人收去誠恐散勇資以爲亂乞飭呂提督就近收錄設法辦理馬玉崑

東

(四一二一) 山西巡撫黎兆英

光緒二十六年十月初三日到
電報檔

(四一二三) 慶親王奕劻等致榮祿電信

光緒二十六年十月初三日到
電報檔

有電詳悉勘兩電奏當寓目均係實情執事雖已竭力仍望披瀝懇陳所稱被禁被遣永無釋期與死無異彼族多疑謂難憑信昨德使晤談上年允將李秉衡降調永不叙用旋即起用今且優卹告以端莊等朝廷爲難實辦不到死罪彼謂將來只可自辦又英俄法美使照會董於近日禍事最爲首要應卽行逐退且疑執事始終袒護昨擬另立專條正無把握總之各國政府旣授權於該使合力謀我和議難成且慮別生枝節事勢危急務望諸公慎重圖之力回天聽以維大局爲幸慶鴻二十九

(四一二四) 大理寺少卿盛宣懷轉李盛鐸來電

光緒二十六年十月初三日到
電報檔

聞各國續增數款因教案罷斥人員不得任用係美國提護重定現行條約係英國提議派員經理中國財政備抵償款係義國提議傳聞各使自行會議廿八又畢云鐸豔宣轉此

(四一二五) 軍機處電寄錫良等諭旨

光緒二十六年十月初三日
電寄檔

奉旨錫良宋慶馬玉崑東三電均悉現在京師正將開議釁端萬不可開仍著督飭各軍嚴密防堵相機辦理仍隨時確探電奏勿稍疏虞欽此十月初三日

(四一二六) 慶親王奕劻等來電一

光緒二十六年十月初四日到
電報檔

前美康使照稱劉坤一張之洞有撤任之說當復以並無此事嗣英薩使面詢又告以勿聽謠言頃德穆使來晤謂各國將來意欲議和則江督楚督萬不可動不知此語從何誤傳特電知留意慶鴻艷

(四一二七) 慶親王奕劻等來電二

光緒二十六年十月初四日到
電報檔

駐日李盛鐸勘電屢晤外部言正法多人殊爲難且懿親不加刑各國通例總宜分別辦理外部答日廷無成見惟各國堅請正法現姑向商酌但一概保全恐辦不到鐸又催開議外交部答各使聚議條款日增日廷悉極力調停務在減少期於可行至聯軍四出蹂躪日軍均未偕行等語昨英使言山西教案轡轔法國卽派兵前往又催開議據稱仍候各國政府電復俄使言俄主現患時症甚劇延擋未復請代奏奕劻李鴻章冬

(四一二八) 南洋大臣劉坤一等來電

光緒二十六年十月初四日到
電報檔

近日法副提督巴愛美等德提督蓋斯雷總領事克納貝等英領事孫德雅先後來坤一署相見首問回鑾何日繼以首禍未經嚴辦毓賢董福祥情罪尤重必須駢誅爲言並疑由鄂運陝銀米及軍械均爲接濟董軍微露阻截之意經坤一再三議論喻以親王永遠圈禁無可再加毓賢遠戍苦差處置已重並告以中國極願速和兩宮昕夕憂勞每至痛切之處該洋員等相顧動色愀然不安因卽勸其迅速開議撤退聯軍由我肅清京城迎還車駕該洋員等允卽電知公使及外部而於嚴辦毓賢始終不肯放鬆近日漢口英領事法磊斯來之

洞署問及回鑾日期當告以聯軍未撤京畿未靖如何遞能回鑾臣下亦斷不能請並詰以必請回鑾是何意該領事云回鑾則可離開董軍免其挾制朝廷之意因喻之曰必覆回鑾爲期較遠未免耽延和議若只爲離開董軍此時我若將董軍調至他處能卽開議否該領事詞氣似尙許可答以當卽電告公使英領事語意蓋欲先以董遠離聖駕以便懲辦其餘與劉坤一所聞大率相同察看該洋員等詞意參以日來各處電報情形圈禁四人雖未滿意當可磋磨其餘降調革留非再行加重不可毓賢董福祥最爲各國切齒堅請必置重典語氣尤爲決絕聞慶親王大學士李鴻章正在商辦各國已預備哀的美敦書如所請再不允辦和議必不能成枝節橫生禍速且烈且八國師艦虜集吳淞若併力進攻沿江各省實難抵禦竊思馭外之道非戰卽和目前水盡山窮萬無可戰則和局勢難游移愈久愈不可收拾大清數百年宗社亦萬無因此數人坐致危亡之理伏願皇太后皇上宸衷獨斷立賜施行縱或董福祥暫難嚴懲亦懇設法奪其兵柄遠離輦轂以釋各國之疑伏俟聖裁再英提督西摩於卅日由滬赴鄂俟接見後再行電陳請代奏坤一之洞悉

提督西摩於卅日由滬赴鄂俟接見後再行電陳請代奏坤一之洞冬

苗族（四一二九）四川提督宋慶來電

電報檔二十六年十月初四日到

前將洋兵已入宣化電奏在案現據東路探報法兵頭隊馬步各數十人於二十九日入獲鹿尙有大隊在後等語到處教民勾結聲言晉省所殺洋人教民太多必欲報復東北兩路現已齊來勢將西趨正值議和之際所到各城官皆出迎供應民亦力求勿戰免擾其怒遂使洋兵無所忌憚且到處要挾收我軍械前進不已無所底止臣不得已與錫良馬玉崑再四相商尙真攔入晉疆惟有竭力抵禦軍中子彈昨又運到數十萬尙可一戰紳非我開實偏處此亦復無可奈何伏乞聖鑒臣宋慶謹奏乞代奏慶叩江

(四一三〇) 軍機處電寄宋慶諭旨

光緒二十六年十月初四日
電寄檔

奉旨宋慶江電悉洋兵西進不止其爲意在尋仇可知著宋慶等迅派妥員前往開誠布公告以殘殺禍首朝廷尙須嚴加懲辦現在和議將開萬勿再行派兵闖入晉境致生波折所有各路防營務飭妥籌因應勉顧大局仍將洋兵進止情形隨時電奏欽此十月初四日

(四一三一) 大學士榮祿等擬覆慶親王奕劻等電信

光緒二十六年十月初四日
電寄檔

藍電已悉劉張兩督前經奉旨會商款議畀以便宜行事現在東南大局正賴措持款議尤

賴兩督妥爲參酌朝廷倚畀方殷豈有撤任之理各使傳聞定有漢奸從中捏造謠言播弄是非貴親王等務向各使剗切相告勿輕聽浮言爲其搖惑是爲至要支十月初四日

(四一三二二)直隸提督馬玉崑來電 光緒二十六年十月初六日到
電報機

八月間玉崑遵旨自京師以至行在挨站安設馬撥遞送文報概無延誤現在洋兵入踞宣化晉直交界地方文報多被阻遏前守居庸馬心勝等各營又經奏明調赴大同京西一帶礙難照常設撥貴處封寄文件均關軍國重要設有疏失貽誤非細此後各項文報可否改由河南取道京東轉遞乞鈞裁馬玉崑叩微印

(四一三三)軍機處致馬玉崑電信 光緒二十六年十月初六日
電報機

馬玉崑微電悉京西一帶現旣難設撥本處文報自當另行設法遞送俟洋兵退出宣化仍應由貴提督照常安設馬撥接遞以期迅速魚十月初六日

時四(四一三四)山西巡撫錫良來電

光緒二十六年十月初七日到
電報機

初四奉電旨洋兵西進不止其爲意在尋仇可知等因並准奕効李鴻章電法因查辦教案聞派兵入晉應留意防備等語伏查臣自履任首飭保護教士安輯教民痛懲拳匪其教士願回國者派員撥兵護送近來民教相安匪踪遠遁實無教案可辦五旬來慘淡經營不遺餘力原冀共維和局亦似可告無罪於友邦若謂從前教案則咎有攸歸已蒙嚴譴况晉民鑿於直隸義憤相激高首相迎自甘殺辱一旦干戈擾攘匪特有碍款議乘輿密邇安危所關臣萬死奚辭其如大局何如數百萬生民係惟有請旨迅飭奕効李鴻章再商法使力止入晉之兵統俟和局大定中外特簡大臣持平查辦晉案務使匪徒盡法無辜昭雪揆諸各國僉以勸善爲懷亦必欲內外軍民共遭塗炭有違天和玉帛相將遠勝兵戎從事天下之幸亦各國之光也頃探龍泉關軍情萬緊已商宋慶馬玉崑撥隊往禦附陳臣錫良謹奏歌

(四一三三五)湖廣總督張之洞來電

光緒二十六年十月初八日到
電報稿

各國議條款有內地任便通商一條勢在必行查武昌省城濱江距北門外六七里之江岸即與漢口鐵路碼頭相對前年美國人勘粵漢鐵路時即擬定此處爲粵漢鐵路碼頭將來商務必然繁盛近年洋行託名華人私買地甚多各國洋人垂涎已久此處必首先通商無

疑此處若設租界距省太近營墩不能設法令不能行有礙防守查岳州係自開口岸名通商場不名租界自設巡捕地方歸我管轄租價甚優年年繳租各口所無一切章程甚好前三年奉旨令各省查明可開口岸地方奏辦竊擬趁此條款尙未宣布之時卽請旨准將武昌城北十里外沿江地方作爲自開口岸庶不失管轄地方之權此時先定爲十里外若臨時洋人嫌遠再酌改爲七八里統俟體察情形辦理合併聲明奉旨在先彼自不能侵越事關地方權利省城防衛時勢急迫謹電奏請旨請代奏之洞嘯語

(四一三六)慶親王奕劻等來電

光緒二十六年十月初九日到
電報檔

據俄英日美德法義奧日比十國公使先後照稱聞董福祥尙隨扈查從前圍攻使館該提督實爲罪魁應驅逐遠離不得仍在朝廷左右此舉實關貴國國家務請留意各等因查各使以董爲禍首屢經辯論茲復先後照會請將該提督遠離行在若再稍事游移必致事機決裂應請旨嚴予處分調離行在明降諭旨卽日電示先釋各使之疑請代奏奕劻李鴻章魚

(四一三七)出使大臣李盛鐸來電

光緒二十六年十月十一日到
電報檔

頃外部密告法議六款外一爲克林德立碑遣王貝勒赴德謝過一爲被毀教堂墳地立碑一整理財政一商改現行條約一改總署章程共十一款均經各使議定電達各政府俟覈准卽與全權辦議此外各條大半刪去惟各政府意見難測如有參差恐須分國定約中國受虧必大難免割地甚至久延不結又懲禍首一款日廷倡議請各國放鬆聽中國自辦勿過逼勒致令爲難等情美極贊成俄稍附和此外多仇視然將來能否辦到尙不能定等語屬電陳並請密祕勿宣鐸齊

(四一三八)慶親王奕劻來電

光緒二十六年十月十二日到
電報檔

京北現爲洋兵扼守驛路梗塞西路良鄉一帶尙屬通順嗣後文報希由保定寄京以免疎虞至月餘奏摺迄未奉到批回是否驛阻有失並查覆爲處盼慶親王蒸

(四一三九)慶親王奕劻等來電

光緒二十六年十月十三日到
電報檔

陽電敬悉法兵並未入晉德兵赴張家口昨又調回沿途不免需索擄掠尙無他意晉省各

國教士屢電錫良設法保護亦告知各使矣請代奏奕効李鴻章真

(四一四〇)山西巡撫錫良等來電 光緒二十六年十月十四日到

電報檔

據探報獲鹿尙有洋兵其在張家口者有回京之說馬心勝回大同與總兵楊鴻禮協力防守兼顧口外劉光才已到井陘敵情詭譎惟仍加意嚴防不敢疏懈再劉光才入晉樂趙空虛恐洋兵乘隙南下可否飭程文炳進紮趙州以資堵禦伏乞聖裁請代奏錫良宋慶馬玉崑元

(四一四一)軍機處電寄奕効李鴻章諭旨 光緒二十六年十月十四日

電寄檔

奉旨諭奕効李鴻章數日以來與各使商議情形如何未據電奏殊深廑系該親王等責重全權如有爲難之處不妨據實直陳朝廷必能審時度勢酌奪辦理切勿遷延日久致大局益難收束現在是否開議條款曾否見過著即迅速電聞欽此十月十四日

(四一四二)軍機處電寄奕訥等諭旨

光緒二十六年十月十四日

電寄檔

奉旨前據奕劻等電奏洋兵闖入易州逼近陵寢現聞洋兵業已退出如何情形著奕謨溥植準良迅卽具奏欽此十月十四日

(四一四三)軍機處寄慶親王奕劻等上諭

光緒二十六年十月十五日
上諭檔

軍機大臣字寄慶親王奕大學士李光緒二十六年十月十五日奉上諭徐壽朋奏民教不和實爲地方大患此次商辦和議能於所訂條款中略參活筆爲日後妥商地步又王之奏公法於鄰國公犯有禁其爲亂之責請飭援據彼法議令將康有爲等羈禁各等語著奕効李鴻章收存備酌原片均著鈔給閱視將此由六百里諭令知之欽此遵旨寄信前來

(四一四四)慶親王奕劻等來電

光緒二十六年十月十六日到
電報檔

據俄德英義與日本日比八國先後照會稱八月廿六日上諭加賞李秉衡之子孫以示篤念忠貞查忠貞之臣加恩酬賞自屬理所當然但此次李秉衡故後恩卽殊令輿情趨入歧途政府諸臣雖明與各國重商結好恐仍存如李秉衡顯恨泰西之心李秉衡夙與西人爲仇由南省北來途次督拳民攻燬教堂迨入京後圍攻使館極力加功大臣有與泰西輯睦

者附和僉人而陷害之其死也乃與敕使聯軍對敵所致如斯忠貞果爲國乎必應力駁辨
請嗣後勿再降此項諭旨等語查李秉衡在東撫任內虐待教士政有膠州之失蒙恩降調
不再起用今復令帶兵自贖徒有仇洋之志實無勝敵之方貽害君國死不足惜茲因明詔
優卹應後致騰衆謗現將開議和局萬不可敗應否俟其條款到時撤銷李秉衡卹典以示
大公請代奏奕効李鴻章寒

(四一四五) 軍機處電寄奕効李鴻章諭旨 光緒二十六年十月十六日
電寄備

奉旨奕効李鴻章寒電悉著卽遵便宜行事之旨酌覈辦理仍速催開議爲要欽此十月十
六日

(四一四六) 山東巡撫袁世凱來電 光緒二十六年十月十七日 到
電報備

迭據西北各州縣探報洋兵馬步砲隊數枝由津分搜直境滄州南皮東光慶雲鹽山各屬
兩三日間悉爲洋兵佔踞該洋內行蹤甚速意向叵測等語查該各屬與東境犬牙相錯處
處接壤綿延數百里道路分歧無險可扼東省駐防海疆營隊勢難抽調而西北分紮各營

兵力甚單情形危急警報踵至擬趕抽調三千人以備接應俟查看由何路進犯卽相機撥隊迎禦是否有當伏候訓示請代奏袁世凱咸

(四一四七)軍機處電寄袁世凱諭旨

光緒二十六年十月十七日
電寄檔

奉旨袁世凱咸電悉洋兵趨向莫定防務自宜妥爲籌備著該撫視洋兵所向相機因應穩慎辦理總以毋礙和局爲要欽此十月十七日

(四一四八)慶親王奕劻等來電

光緒二十六年十月十八日到
電報檔

各國條款大致商定德使忽謂臣等前奉全權電旨不合式不能開議請援照廿一年馬關議約奉有全權大臣用寶勅書以昭慎重與之駁辯再四堅持不允英俄日本皆從此議可否權宜酌辦由京恭錄諭旨在大內請用御寶臨時給閱免其藉詞延宕開議日期乞代奏請旨遵行奕効李鴻章諫

(四一四九)軍機處電寄奕効李鴻章諭旨

光緒二十六年十月十八日
電寄檔